



Universitätsbibliothek Paderborn

**Ioannis Ioviani Pontani. De Aspiratione Libri duo. Charon
Dialogus. Antonius Dialogus. Activs Dialogus. Aegidius
Dialogus. Asinvs Dialogus. De Sermone Libri Sex. Belli,
Qvod Ferdinandvs Senior ...**

Pontano, Giovanni Giovano

Venetiis, 1519

De Veracitate.

urn:nbn:de:hbz:466:1-12960

tate, et si maxima tamen cum utilitate legentium. Ac primum quidem minime ut a modesto deducimus modestum, sic a faceto Facetiam, quando Facetiae ipsae dicta quidem sunt iucunda et lepida, nequam uero habitus, aut uirtus. Verum ut sanctitatem a sancto, et ab honesto honestatem, castitatemque a casto, sic a faceto Facetatem deducimus. Ut Facetitas ipsa su uirtus, ea denique Faceti uiri habitus, forsitan non omnino etiam dispuuerit Facetudo subducta syllaba, ut a sordido sorditudo, quae Plautina deductio est. Nam neque maiores illi nostri aut castitudinem reformidarunt, aut moestitudinem. Quid si ut moesties, sic etiam dicatur Facetiae? Sed nos haec ipsa ita tradimus, ut qui nullo modo uelimus regulam hac in parte prescribere. Sit enim sua cuique libertas usurandi nominis, Verum ideo hoc facimus, ut aper te magis intellegatur habitus ipse, qui sit, et quo etiam quis nomine a proprio, et tantum suo uocitandus. Constituimus itaque sine Facetate, sine Facetudinem, Facetiem uel habitum, et qui eo sit habitu ornatus, Facetum. Sed ad alteram quoque partem uerborum transeundum est, ut quae in ea uersetur mediocritas, lucide etiam intellegatur.

De Veracitate.

Quemadmodum autem uirtutis huius, de qua pauca locuti sumus, siue Comitatis, uerbantatis uel, siue Facetudinis, proprium munus est, atque officium sedare molestias, in cessationibusque, ac in relaxatione negotiorum, iucundum aliquid querere ad reficiendos animos, siue in ipsis quoque laboribus, ac negotiis, interque molestias reficere eos, quo uegetiores ipsi fiat, longeque ualentiores, siue peruvincendi, aut tolerandi laboribus, difficultatibusque, siue leniendis doloribus, atque molestiis, qui finis ei uirtuti est constitutus, sic cum eadem ipsa oratio, ac sermo uel praepuum si uinculum retinenda societatis, ad quam colenda nati, atque educatis sumus, coetusque ipsius una sociati et ampliandi, et conservandi, sic in qua alterius uirtutis, cuius etiam initia querimus, proprium munus est, ueritatis studiu, ac cultus. Loquimur autem de ueritate hoc in loco non illa quidem, quae a Physicis queritur, aut Mathematicis, quae uerisetur circa certitudinem Syllogismorum, in ipsisque disputacionibus que sunt de rerum natura, deque disciplinis atque scientiis hominum, ac facultatibus. Verum de ueritate ea, quae nihil in sermonibus, atque in oratione, nihil etiam in moribus messe factum, fallax, fucatum indicet, nihil quod simulatum, adulatoriū, mendax, gloriosum, vanum, quodque superuires appareat, supraque facultates ipsas, aut ueri fines excedat, atque in nostris terminis, quam affectu qui sunt, retineantque, et in dicendo, et in

do, et in tractandis rebus, domesticisq; in consuetudinibus, iuueri dicuntur, et uirtus ipsa ueritas, ni fortasse proprie magis ueraces illi, uirtus autem ipsa ueracitas, ut ueritas sit rei ipsius, ueracitas uero, ea utentis habitus. Ac nihilominus et uerum fuisse hominem Catonem dicimus, et quod summa etiam in eo inesse ueritas Sibyllas quoque ueras, et uates etiam, atq; haruspices ueros. Hae uero a nobis eo consilio dicta sunt, quo distinctius intellegatur quae nam res ipsae sint, et quales. Tertia quoq; quæda uirtus (si Aristoteli credimus) in eadem hac uerfatur materia, quæ amicitia ab illo dicitur, de qua quoniam his in libris dicendum nihil decreuimus, de duabus his uirtutibus, et Facilitate, et Veritate tantum differemus, ac primo quidem de Veritate, deq; oppositis ei uicijs.

De Adulatoribus.

Admodum autem ueritati aduersatur lucris studium, atq; habendi cupiditas, itaque huiusmodi hominum una est cura, totiq; in eo ipsi sunt, quo adulando rei sue consulant familiari, et quasi uerborum mercaturam faciant, oratione ubiq; utuntur secunda et blanda, hocq; sibi uitæ genus delegerunt ad ampliadam rem domesticam. Periculosa sane ac maxime pestilens hominum consuetudo ac familiaritas, quoru quia primatum uirorum, principumq; ac regum præcipue, plenæ sunt aulae, inde Adulatores dicti, qui dum placere et gratificari tantum student, ueritati apud dominos aures obstrudunt, atq; ad illorum uultum, libidinemq; seruilem in modu omnia loquuntur. nam et δοῦλος Grece seruus est. uidem alio sunt nomine Assentatores ab assentiendo dicti, quod eorum cogitationes atq; consilia in id solum intendant, id ipsi tantum agant, sibi ipsis ut profint, secuti terentianum illud, Ais aio, negas nego. Quibus hominibus, quod plerumq; solis, qui res moderantur publicas, suas patesciunt aures, hinc et uidemus, et audiimus, et legimus eoru res frequentissime in præcepis rapi, turbariq; ac misceri repente principatus ac regna. Que res nostris quoq; temporibus clariores sunt, qut exēplis indigeant. Huius autem generis hominū plures quidem sunt species, nesciā tamē sint ne omnes adulatorum in numero habendi. Quando (ut Aristoteles queri etiā uidetur) singulis sue uirtutibus, sue uitijs certa neutriq; propriaq; insunt nomina. Itaq; et lucri, et compendiorum tantum gratia adulantur non pauci, quidam captandæ solum auræ, ac fauoris in populo, atq; inter cives, alijs quod ita a natura comparati sint, usuq; etiam confirmati, ut ipsa tan-